



科律律令  
真道不成一依  
不敢怨道師如有違盟並依  
天尊前盟約而傳度師不敢違事出偽弟子  
天行化助國救民濟生度死永依三寶今對  
上清靈寶大法符圖印訣一宗靈文誓願位  
法即日謹齋法信恭依科律律受  
維年月朔日某處居住嗣法弟子某弟子傳

靈寶无量度人上經大法卷之七十一

靈寶无量度人上經大法卷之七十二 火

修齋受詞品

傳度詞式

維太歲年月朔日具鄉貫某人謹齋沐誠惶  
誠恐稽首再拜投詞某伏聞洞玄設教開度  
生濟死之法門靈寶垂文有脫殼昇仙之妙  
理非夙生之慶幸豈造次而得聞欲廁真階  
須憑師匠某欲薦先亡之苦爽次拔泉滯之  
冤辜使一命以無虞保全身而脫厄某雖曾  
立誓未遇真師茲者伏遇某君法師先生不  
掩玄關大開慈造下度愚昧輒具懇詞謹齋  
全寶以貧心特造靈壇而控告拜傳靈寶大  
法鍊度秘鑿誓終始以行持靡敢忘於教誨  
如苟違盟約甘墮沉淪伏望慈悲特垂允度  
庶累成於功行同共列於真階謹具懇詞拜  
投壇下伏取法旨某誠惶誠恐稽首再拜謹  
詞

傳度啓奏科

臣聞元始祖劫化生諸天隱碧落之空歌敷  
紫虛而鬱秀開明三景用普植於神靈救落

五篇使保制於劫運玄坐五色師子之上說  
法度人端居七寶霧林之中授經付世萬聖  
臨軒而稽首來真侍座以皈依皆諸天隱秘  
之音非世上常辭之詠靈風雲霧致日月以  
寧輪金口宏敷俾神風而靜默一遍而諸天  
稱善十過而枯骨成人是知妙道難窮玄功  
無量上天所寶下世不傳遇至士以赤心齋  
金寶而盟受眾真監度萬聖臨軒諸天保以  
善傳魔王舉其道備方邊玄格許以流傳今  
嗣法弟子某夙緣積慶遭際玄風盟心拜手  
於清都虔意精誠於大法叩頭搏頰肘步投  
壇恭依盟度之科以捨愛緣之念捧金齋寶  
飲血飲丹誓求大法之扶持願列仙班之職  
任臣早膺師匠獲佩靈文本接物以度人遇  
至賢而勿秘既承懇禱表奏上天已獲報於  
吉祥預良辰而付授給符傳法受戒度兵伏  
願靈寶眾真洞玄諸帝慈悲濟物方便度人  
使弟子某迺出塵寰永離浮幻蕩六根而清  
靜出八難之輪迴頓悟玄機得行道妙隆三  
千之功行招集群仙總五帝之魔王萬靈振

伏臣與嗣法弟子謹稽首再拜

次宣投詞度經

謹按經云上學之士修行此經而通微奧即得飛度南宮不經地獄普度无窮一切天人莫不受慶无量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役鬼官侍經五帝玉童玉女各二十四人營衛神文保護受經者身

祝畢弟子跪受

次度法

聞道法自然功施不宰本強名於至妙極元化於无形恭惟靈寶大法大有金書實元始之希夷乃至靈之冲寂淵宗莫究妙理難窮秘大羅金闕之天垂浮黎寶珠之旨諸天欽仰萬聖護符夙有善根方能窺奧莫不道人宣人從道立今弟子某虔心稽首受秘筌首露十方盟誠三界願窮至理體道度人恭對聖前受持大法伏望金闕至真玉京玄老祥開九夜洞照八冥遣

玉女以飛函捧金章而廣示命金童以稱善敷玉笈以流傳使弟子某魂神澄正萬炁長存不經苦惱身有光明三界侍衛五帝司迎萬神朝禮名書上天功滿德就飛升上消祝畢弟子拜十方然後謝師次師持丹水

哭弟子身

一嘆三清上聖度

二嘆十方至真度

三嘆三界來真度

次持環券師呪曰

天地合信環券為盟行信忠孝心清細平慈心愛敬言直潔貞始終如一其道合神勿生詭譎以起貪嗔損身敗惡三界不違今分環券其義斷金

次給付環券與弟子付帖牒板符印以等靈寶經法萬天所崇今日受度三界欲從

諸天書名位列仙公帝君大聖普告无窮

无量度人我道興隆

祝畢弟子再拜退

傳度謝恩表式

渾淪未判空洞凝華萬端彰於天中結飛玄

於霄極靈風奏響梵系騰輝爰模勒以成丈乃秘藏於積劫自玄元之降授葉葉相承洎正一之流通繩繩不絕俾修盟於寶準用普濟於人寰制斷惡根消穢劫運接物利生之便不問方來從粗入妙之微莫窮津極巨謬

承先慶獲齒人倫載生育於昌期際希矣於盛且澄心奉戒稽首皈誠願敷寶籙之科與進仙階之品治身理物式遵受度之言拯疾扶危敢忘告盟之訓儻違玄禁甘俟陰條

祭將儀

伏以百魔隱韻使離合以自然三景開明周大行之梵炁无上大羅之境端若元始之尊出法度人有返形之微妙傳經流世敷起死之真功侍其經者八方威神衛其法者諸天上聖五帝大魔之所任十方飛天之所承至學既已盟傳魔王舉其道備遵上天之禁格露祭醮於靈壇召制十方御地祇於要訣威制天政東魔鬼於真文誦詠是經則諸天齊到修行微妙則萬聖臨軒輔我法者聞呪訣而入無出有佐我道者承符命則去死來生

八威龍文可保制於劫運赤書玉字能懷却於災殃混合百神三界魔王而稽首中理五炁萬靈真宰以飯從今者謹按科盟備陳類薄伏望靈寶將吏總法官君受祭攝之薦嚴享精專之熙禮唯願興揚教法贊助道功下鎮人身俾魔無所干犯執符把籙遍鬼無所施妖神監在茲當歡祭禮

初獻

伏以靈寶本草是度人之无量上品妙首為大法之根宗或傳教於人間或隱藏於天上宗奉敬禮者獲福輕洩滯慢者招殃今某夙世良因恭奉大法既蒙師而受度當祭將以陳儀仰惟官吏之聰明俯鑒菲儀而躬贊所冀歟容咫尺輔正教於玄壇靈造雍容贊元勳於小兆某初階下士遭際真師雖憑大法以降魔全仗威神之贊助斷滅禍源則千千截首收伏妖怪則萬萬窮形仗金鉞前戮之獍屠割鬼奕張巨天後刑之猛風火無停或度幽陰解風生之惡對或救痼疾令一時以復形德者同享其榮功成共分其利無令懈弛有廢前功恭聽吾言毋生忽略

弛有廢前功恭聽吾言毋生忽略

亞獻

伏以威分部伍共嚴整於軍營森列旌旗當修治於器械施彰號令明檢於鬼管賞罰至公利言於五帝鬼妖滅爽瘴邪不敢流行神明護門怪異皆祛別域兆行其法則平等而正直汝輔其道則謹節而勇忠共成莫大之功以佐無為之化今者既陳懇禱酒醴再三不違方寸之誠盡賴神明之鑒所獻錢馬當為依陳祭禮既終乞還元治

終獻

宣帖跪再拜

祭將符



書符呪曰

曉夜聞屠渠訶勒雲俱染夷知帝薩吒  
括中指中書十道分布十方並係黃書紅

紙透符以金錢一分而化之

化符呪曰

千和萬合混合百神神公受命 總覽眾靈 群妖束首 振伏萬靈 保真固命 以度兆民 生死受賴 其福難勝 功過無失 保舉爾身 急急如靈寶律令

本法印篆品

皇人曰夫行靈寶之法須得

上天玉璽印章方能洞達否冥若以凡世之文不遇真師所傳則枉用心神終無所得且

得且

靈寶印章昔

元始天王妙炁結成真篆皆以碧玉為之名曰金章玉璽降於真靈之天付於道君後付於

道君後付於

虛皇天尊虛皇天尊付於

金闕帝君金闕帝君授之

天皇大帝天皇大帝始授於

軒轅軒轅後遇

玄中大法師靜老天尊出世各辨其文各

有品目軒轅請問殷勤故

玄師教之有法用之有式故靈寶大法

玄師主之也自後代代設化方方傳經而

不過其人印章多隱於名山而不出厥後

神仙出世遺值斯文而

天尊慈悲付以印章方傳後世至學之者

如遇之則當保惜不可輕傳下世以泄其

章三界高真見之多痛哀不忍其泄世之

則返招重殃深可憐也今具于篇觀之教

信而秘藏之斯可矣

上清靈寶大法司玉璽



右印可移符文帖牒榜示三界鬼神見之  
為信符如傳度表奏之後祭呪方可用

鍊度司印



右印題

上帝降付南昌受鍊司其君主鍊死魂可  
鍊度亡魂專印水火符篆鍊度司分關中  
帖牒之屬

黃籙院印



右印題

上帝降付黃籙院使相主下元度上世亡  
魂如建大齋寶壇召攝君將吏兵符牒用  
之

天寶君印



右印題

元始上帝主教之印可以鎮天地運陰陽

轉旋造化召役萬靈如行持大法當以此  
印鎮於治所萬聖欽崇如朝

元始之帝印先萬丈光燦群魔亦可印符

籙此印於秦始皇時失之後至漢代天師

以凡篆易用

道君玉印



右印題

道君主教之印掌諸天星宿三界鬼神劫  
運之數如行持當佩此印變為

靈寶天尊亦可印符籙

青玄救苦印



右印題

上帝降付

東極救苦天尊度三界十方一切苦魂如

遇之有百寶光明應獄司觀此印光皆疎  
放幽爽運生極樂可印符籙

赤玄都省印



右印題

玉帝降付

天師掌赤玄都省中奏等事如召功符  
吏集諸兵馬醮奏星辰當關牒而用之此  
印漢代天師以凡篆而易之其祖傳秘印  
隨正一升天正掌赤玄都而用焉

八威龍文印

赤書玉字印



右印題

元始上帝專掌諸天玉字真文篆應醮奏  
壇壇殿露真文赤書當印用之  
與道合真印



右印題

上帝降付得道之士佩負登天於  
三天金闕門下勅同印信也如度魂表於  
地府功德案文牒內列各書合同符契以  
印印之應陰府冥靈觀之如  
上帝親詔摩敢稽侍也

五帝大魔印



右印題

上帝所賜行持之士佩受可制萬魔鎮凶  
治惡志心佩受則五帝侍衛群妖束形  
混合百神印



右印題

上帝所賜行持之士佩受可役使萬靈凡  
印所在之處萬神朝禮三界侍衛應于召  
法中符吏符篆皆以此印印之立獲感應  
已上印章皆以七寶金玉為之或以赤  
棗心或桃相本命于於陽火日刊成陰  
水日露天一宿而收之

靈寶无量度人上經大法卷之七十二